



Plata dla Ploania Antermëia Sant'Antone Abat

UNITÉ PASTORALA



VAL BADIA
www.unitepastorala.org

Ploan: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533


Ann A 10.05.2020 - 17.05.2020 - Cuinta domënia de Pasca n. 24

Gejù Crist nosta strada

📖 St.Ap 6, 1–7 | 1 Pire 2, 4–9 | Jan 14, 1–12

Dal Vangele do San Jan:

Te chël tëmp à Gejù dit a sü discepuj: ¹Osc cör ne se lasces nia turbè. Cherdede te Dî y cherdede te mè! ²Tla cíasa de mi Pere é l tröpes abitaziuns. Sc'ara ne foss nia insciö, ves essi dit dailò: I va a ves arjigné ca n post? ³Canch'i sarun jü y ves arà arjigné ca n post, vègni indò, y i ves condüji da mè, por ch'i sëise inçe os, olache iö sun. ⁴Y olache iö va – chël tru conescëise pö. ⁵Tomesc ti à dit: Signur, i ne savun nia olache te vas. Cò désson pa spo conësce le tru? ⁶Gejù ti à dit: Iö sun le tru y la verité y la vita; degügn ne röia dal Pere ater co tres mè. ⁷Canch'i m'arëis conesciü, conesciarëise inçe mi Pere. Bele ségn le conescëise y l'ëise odü. ⁸Filipus ti à dit: Signur, móstresse le Pere; chësc nes basta. ⁹Gejù ti à respognü: Bele tan dî sunsi pro os, y te ne m'as nia conesciü, Filipus? Chël che à odü mè, à odü le Pere. Cò sciàfieste pa da dî: Móstresse le Pere? ¹⁰Ne crëieste nia, che iö sun tl Pere y che le Pere é te mè? Les parores che iö ves diji, ne diji nia da mè infora. Le Pere, che é te mè, ademplësc sües opres. ¹¹Cherdédeme pö, che iö sun tl Pere y che le Pere é te mè; sce nia, spo cherdede almanco por gauja dles opres! ¹²Amen, amen, i ves diji: Chël che crëi te mè, fajarà inçe les opres che iö feji, y al nen fajarà cíamò de maius, deache iö va dal Pere.



Atlamaziun DLA DOMÈNIA

Alleluia. Alleluia.
Iö sun le tru, la verité y la vita.
Degügn ne röia dal Pere ater co tres mè. Alleluia.

📖 *Letöres dla Sesta domënia de Pasca:*
St.Ap 8, 5–8.14–17 | 1 Pire 3, 15–18 | Jan 14, 15–21

Informaziuns y terminns

La Diozeja á mené fora na lëtra comunican che dai 4 de ma inant pól gní tigní funziuns/mësses de sopoltöra cun la partezipaziun de nia deplü co 15 parënc; chisc mëss sté intant dancierá y ne pó nia avëi borjú o d'atri sintoms dla coia o avëi albü contat ultimamënter cun jënt che á la coia. La comuniun pó ma gní partida fora sot a condiziuns particulares. I libri te dlijia ne dess nia gní tuc tles mans. Ci che vëgn pié ite de dlijia dess dedô gní dejinfeté. Do les funziuns te dlijia dessel gní daurí i üsc y lascé zircolé l'aria indortöra.

Aladô dles disposiziuns dl Govern y dla CEI (Conferënza di Vëschì dla Talia) pól **dai 18 de ma inant** indô gní dit mëssa y tigní funziuns cun la comunité tles dlijies, sambëgn cun deplü precauziuns scrites dant che gnará publicades sön la proscima plata.

I **ofizi de comun resta ince chëst'edema ciamó stluc**. l'azes por le publich por caji de nezescité y por sorvise essenziái vëgn conzedü sön prenotaziun por telefon 0474 523125 resp. e-mail info@comun.sanmartindetor.bz.it. I ofizi pó gní contatá ti orars sciöche zënza dales 8.00 - 12.30 y dales 14.00 - 17.30

L'implant de reziclaje Alfur é indô davert (cun les precauziuns scrites dant).



Al é tröpes formes da dí DILAN. Mo al ne depënd nia dala forma, important è punsé ala uma; da ne araté nia por selbstverständlich döt ci che ara fej. Da dí dilan. Chësc vara da fá vigni dé. N pinsier y n pë de parores. De cör. Nia deplü, mo impo tan tröp.

Mësses a San Martin:

Dom, 10.05. 10.00 Mëssa (a Lungiarü)
de má vigni de dales 19.00 devoziun de ma
Dom, 17.05. 10.00 Mëssa
Döt da aldí tl radio dla Cöra da San Martin

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it